



MARKAS ANGKATAN TENTERA MALAYSIA  
 BAHAGIAN HAL EHWAL AWAM-J7  
 Wisma Pertahanan  
 Jalan Padang Tembak  
 50634 KUALA LUMPUR  
 Tel: 03-20716425/6424  
 Laman Web: www.mafhq.mil.my

## KENYATAAN MEDIA


KUALA LUMPUR  
 13 APRIL 2020  
 (Dikeluarkan pada jam 8.30 pagi)

### PENULARAN HEBAHAN JUALAN PRODUK BERUPA T-SHIRT DAN TOPENG MUKA MEMAPARKAN PENGGUNAAN NAMA OPERASI PENAWAR DAN LOGO ATM-PDRM

Panglima Angkatan Tentera, Jeneral Tan Sri Dato' Sri Hj Affendi bin Buang TUDM dengan ini **menafikan** bahawa ATM mengeluarkan sebarang produk berupa *t-shirt* dan topeng muka memaparkan penggunaan nama OPERASI PENAWAR beserta logo ATM-PDRM untuk dijual kepada orang ramai sepertimana yang diuar-uarkan di sebuah laman jualan *online* dan media sosial yang lain.

Ditegaskan, bahawa mana-mana pihak tidak boleh mengeluarkan, menjual, membeli dan menggunakan sebarang produk yang mengguna pakai nama OPERASI PENAWAR serta tertera logo ATM/PDRM tanpa kebenaran.

Produk-produk tersebut boleh disalah guna oleh individu-individu tertentu, mengelirukan orang awam dan merupakan tindakan cuba mengambil kesempatan dalam situasi Perintah Kawalan Pergerakan (PKP) dan Perintah Kawalan Pergerakan Diperketatkan (PKPD) yang dilaksanakan oleh ATM dan PDRM. Pada masa yang sama ia mencemar nama baik dan peranan kedua-dua agensi keselamatan ini yang tidak berteraskan sebarang keuntungan perniagaan. Produk yang menjadi tular adalah seperti berikut:



**"KEDAULATAN NEGARA TANGGUNGJAWAB BERSAMA"**